

ՏՐԱՄԱԴՐՎՈՂ ԲԺՇԿԱԿԱՆ ԾԱՌԱՅՈՒԹՅՈՒՆՆԵՐ ԵՎ ԲԱՅԱՌՈՒԹՅՈՒՆՆԵՐ

1. ՏՐԱՄԱԴՐՎՈՂ ԲԺՇԿԱԿԱՆ ԾԱՌԱՅՈՒԹՅՈՒՆՆԵՐ՝

1.1. Ապահովագրության պայմանագրի գործողության ընթացքում տեղի ունեցած դժբախտ պատահարների հետևանքով առաջացած **վնասվածքների** (կոտրվածքներ, հողախախտեր, փափուկ հյուսվածքների վնասվածքներ, սալջարդեր և այլն)¹ **արտահիվանդանոցային ձևով իրականացվող առաջնային բժշկական օգնությունը և սպասարկումը,**

1.2. **Արտահիվանդանոցային պայմաններում իրականացվող՝ հափուկ և դժվարամատչելի ախտորոշիչ հետազոտությունները՝** համաձայն ստորև աղյուսակի: Ընդ որում 1.2.9-1.2.24 ենթակետերում ներառված հետազոտություններն իրականացվում են համավճարային սկզբունքով. ստորև նշված հետազոտությունների յուրաքանչյուր իրականացման դեպքում Դուք վճարում եք համավճար¹: Ձեր կողմից վճարման ենթակա համավճարի չափը ներկայացված է Աղյուսակ 1-ում:

Աղյուսակ 1

N	Հատուկ և դժվարամատչելի ախտորոշիչ հետազոտությունների ցանկ	Արտահիվանդանոցային պայմաններում իրականացվելու դեպքում Ձեր կողմից վճարվող համավճարի չափը (<< դրամ)
1.2.1	Էխոկարդիոգրաֆիա դոպպլեր հետազոտությամբ	0
1.2.2	Էզոֆագոգաստրոդուոդենոսկոպիա	0
1.2.3	Ռենտգենոգրաֆիա՝ ն/ե հեղուկ կոնտրաստավորմամբ (ներառյալ կոնտրաստ նյութի արժեքը)	0
1.2.4	Կոլոնոսկոպիա	0
1.2.5	Մամոգրաֆիա	0
1.2.6	Էլեկտրոկարդիոգրաֆիա չափավորված ծանրաբեռնվածությամբ (տրեդմիլ-տեստ, վելոէրգոմետրիա)	0
1.2.7	Հոլտեր մոնիտորինգ	0

¹ համավճարը ենթակա չէ հատուցման/վերադարձման ծառայությունը մատուցած բժշկական կազմակերպության կամ ապահովագրական ընկերության կողմից

1.2.8	Ռադիոնուկլիդային ախտորոշման հետազոտություններ՝ երիկամներ, լյարդ, ոսկրեր, թոքեր և այլն,	0
1.2.9	Համակարգչային տոմոգրաֆիա 1 հատված, առանց ն/ե կոնտրաստավորման	10,000
1.2.10	Համակարգչային տոմոգրաֆիա 2 հատված առանց ն/ե կոնտրաստավորման	15,000
1.2.11	Համակարգչային տոմոգրաֆիա 3 և ավել հատվածներ առանց ն/ե կոնտրաստավորման	20,000
1.2.12	Համակարգչային տոմոգրաֆիա ն/ե կոնտրաստավորմամբ՝ 1 հատվածի (ներառյալ կոնտրաստ նյութի արժեքը)	17,500
1.2.13	Համակարգչային տոմոգրաֆիա ն/ե կոնտրաստավորմամբ՝ 2 հատվածի (ներառյալ կոնտրաստ նյութի արժեքը)	22,500
1.2.14	Համակարգչային տոմոգրաֆիա ն/ե կոնտրաստավորմամբ՝ 3 և ավել հատվածներ (ներառյալ կոնտրաստ նյութի արժեքը)	27,500
1.2.15	Կորոնար զարկերակների համակարգչային տոմոգրաֆիկ անգիոգրաֆիա ն/ե կոնտրաստավորմամբ (ներառյալ կոնտրաստ նյութի արժեքը)	27,500
1.2.16	Համակարգչային տոմոգրաֆիա և մագնիսական-ռեզոնանսային տոմոգրաֆիա հետազոտությունների ընթացքում կատարվող հիվանդի անզգայացման արժեքը	7,500
1.2.17	Մագնիսական-ռեզոնանսային տոմոգրաֆիա 1 հատված (առանց կոնտրաստ նյութի արժեքի), սարքի հզորությունը մինչև 1,5 տեսլա,	12,500
1.2.18	Մագնիսական-ռեզոնանսային տոմոգրաֆիա 2 հատված (առանց կոնտրաստ նյութի արժեքի), սարքի հզորությունը մինչև 1,5 տեսլա	25,000
1.2.19	Մագնիսական-ռեզոնանսային տոմոգրաֆիա 1 հատված (ներառյալ կոնտրաստ նյութի արժեքը), սարքի հզորությունը մինչև 1,5 տեսլա,	25,000
1.2.20	Մագնիսական-ռեզոնանսային տոմոգրաֆիա 2 հատված (ներառյալ կոնտրաստ նյութի արժեքը), սարքի հզորությունը մինչև 1,5 տեսլա,	37,500
1.2.21	Մագնիսական-ռեզոնանսային տոմոգրաֆիա 1 հատված (առանց կոնտրաստ նյութի արժեքի), 1,5 տեսլա և ավելի,	17,500
1.2.22	Մագնիսական-ռեզոնանսային տոմոգրաֆիա 2 հատված (առանց կոնտրաստ նյութի արժեքի), 1,5 տեսլա և ավելի	35,000
1.2.23	Մագնիսական-ռեզոնանսային տոմոգրաֆիա 1 հատված (ներառյալ կոնտրաստ նյութի արժեքը), 1,5 տեսլա և ավել	30,000
1.2.24	Մագնիսական-ռեզոնանսային տոմոգրաֆիա 2 հատված (ներառյալ կոնտրաստ նյութի արժեքը), 1,5 տեսլա և ավելի	47,500

Հատուկ և դժվարամատչելի հետազոտությունները (1.2 կետում նախատեսված ծավալով և կարգով) ենթակա են տրամադրման նաև 2.8-2.17 և 2.18.1-2.18.5 ենթակետերում նշված բացառություն հանդիսացող հիվանդությունների և իրավիճակների դեպքում:

1.3. **Հիվանդանոցային բժշկական օգնությունը և սպասարկումը՝** համաձայն ստորև նշված ծավալի՝

1.3.1. Վիրահատական և/կամ թերապևտիկ բուժում (բացառությամբ [ՀՀ առողջապահության նախարարի 2013թ. սեպտեմբերի 28-ի 57-Ն հրամանով](#)² հաստատված ցանկում ընդգրկված նորագույն և թանկարժեք տեխնոլոգիաների կիրառմամբ մատուցվող բժշկական ծառայությունների՝ բացառությամբ 1.3.3 ենթակետով նախատեսված դեպքերի),

1.3.2. Հատուկ և դժվարամատչելի ախտորոշիչ հետազոտությունները, որոնք իրականացվել են հիվանդանոցային պայմաններում: Ընդ որում, հիվանդանոցային բուժման ընթացքում հիվանդանոցային պայմաններում իրականացվող հատուկ և դժվարամատչելի ախտորոշիչ հետազոտությունների գծով համավճարներ չեն կիրառվում, և դրանք ներառվում են բուժման արժեքի մեջ: Հատուկ և դժվարամատչելի ախտորոշիչ հետազոտությունները տրամադրվում են նաև 2.8-2.17 և 2.18.1-2.18.5 ենթակետերում նշված բացառություն հանդիսացող հիվանդությունների և իրավիճակների դեպքում:

1.3.3. Նորագույն և թանկարժեք տեխնոլոգիաների կիրառմամբ մատուցվող հետևյալ բժշկական ծառայությունները՝

- ա) գլխուղեղի անոթային հիվանդությունների էնդովասկուլյար բուժում (ներառյալ միկրոկաթետրի, միկրոպարույրի և/կամ օնիքսի արժեքը),
- բ) կլիպսների օգտագործում՝ նյարդավիրաբուժական վիրահատությունների ժամանակ,
- գ) շունտավորող համակարգերի օգտագործում՝ նյարդավիրաբուժական վիրահատությունների ժամանակ,
- դ) էնդովասկուլյար ռեկոնստրուկտիվ բուժում՝ նյարդավիրաբուժական հիվանդությունների ժամանակ,
- ե) սրտի բաց վիրահատություն և/կամ կորոնար անոթների ստենտավորում՝ ինչպես դեղապատ, այնպես էլ՝ ոչ դեղապատ ստենտերով, սրտի փականների պրոթեզավորում, սրտի ռիթմը վարող սարքերի իմպլանտացիա,
- զ) աորտայի անևրիզմաների պատռվածքների և/կամ շերտազատումների վիրահատություններ,
- է) կարդիովերտեր-դեֆիբրիլատորի իմպլանտացիա,
- ը) սրտամկանի էլեկտրոֆիզիոլոգիական հետազոտություններ, սրտի կաթետերային արևացիա,

² <https://www.arlis.am/DocumentView.aspx?docid=115842>

- թ) սիներակի (Վ. Կավա/V. Cava) ֆիլտրի տեղադրումը (ներառյալ ֆիլտրի արժեքը),
- ժ) արթրոսկոպիկ վիրահատություններ,
- ժա) խոշոր հոդերի էնդոպրոթեզավորում՝ ռեկոնստրուկցիայով, առանց էնդոպրոթեզի արժեքի,
- ժբ) բացառապես վնասվածքաբանական վիրահատությունների ժամանակ կիրառվող մետաղական կոնստրուկցիաների, ընդ որում՝ միայն հարթակների, պտուտակների և շյուղերի արժեքները,
- ժգ) շագանակագեղձի միջմիզուկային մասնահատում (ՏՈՒՌ, TYP) բիպոլյար կամ լազերային եղանակով,
- ժդ) քարափշրում (լիթոտրիպսիա)՝ հեռահար, պերկուտան, ուրեթերոռենոսկոպիկ,
- ժե) սկլերոպլաստիկան, կեռատոպլաստիկան,
- ժզ) աչքի առաջային խցիկի արհեստական փականների կիրառում (շունտավորում),
- ժէ) Նորագոյացությունների ճառագայթային բուժում՝ տարեկան ոչ ավել, քան 35 սեանս,
- ժը) Նորագոյացությունների ներխոռոչային ճառագայթային բուժում՝ տարեկան ոչ ավել, քան 10 սեանս:

Հիվանդանոցային բժշկական օգնությունն ու սպասարկումը ներառում են բուժման համար անհրաժեշտ միջոցառումները, այդ թվում՝

- բժշկական խորհրդատվություններ,
- հիվանդանոցային բուժման ընթացքում իրականացվող բոլոր լաբորատոր-գործիքային հետազոտությունները, այդ թվում նաև հատուկ և դժվարամատչելի ախտորոշիչ հետազոտությունները,
- հիվանդանոցային բուժման ընթացքում հիվանդանոցի կողմից անհրաժեշտ դեղերով, բժշկական նշանակության պարագաներով ապահովումը և բուժական միջամտությունները.
- պացիենտին անվճար հիվանդասենյակով ապահովելը (բացառությամբ պացիենտի կողմից նախընտրած առանձին վճարովի հիվանդասենյակների արժեքի):

1.4. **Կանխարգելիչ բժշկական քննությունը՝**

- ընդհանուր պրակտիկայի բժշկի խորհրդատվություն՝ զարկերակային ճնշման պարտադիր չափումով և մարմնի զանգվածի որոշմամբ,
- ուռուլոգի (բացակայության դեպքում վիրաբույժ) խորհրդատվություն (տղամարդկանց համար),
- գինեկոլոգի խորհրդատվություն,
- կրծքագեղձի ֆիզիկալ զննում,
- արյան ընդհանուր հետազոտություն՝ լեյկոֆորմուլայով,
- խոլեստերինի որոշում արյան մեջ,
- էլեկտրասրտագրություն (ԷՍԳ),

- որովայնի խոռոչի, փոքր կոնքի օրգանների և վահանաձև գեղձի ուլտրաձայնային հետազոտություն, կանանց համար՝ նաև կրծքագեղձի ուլտրաձայնային հետազոտություն:

Օրացույցային տարվա ընթացքում (հունվարի 1-ից մինչև դեկտեմբերի 31-ը) սոցիալական փաթեթի շրջանակներում Դուք կարող եք միայն մեկ անգամ անցնել կանխարգելիչ բժշկական քննություն: Ընդ որում, եթե Դուք կանխարգելիչ բժշկական քննություն անցել եք տարվա երկրորդ կեսին, ապա հաջորդը կարող եք անցնել ոչ շուտ, քան վեց ամիս անց:

Բուժաշխատողների համար կանխարգելիչ բժշկական քննություն անցնելը չի նախատեսվում:

2. ՀԱՏՈՒՑՄԱՆ ԵՆԹԱԿԱ ՉԵՆ՝

- 2.1. արտահիվանդանոցային բժշկական օգնությունը, սպասարկումը (այդ թվում՝ ստոմատոլոգիական, ակնաբուժական ծառայությունները): Սույն ենթակետում նշված բացառությունը չի վերաբերում 1.1 կետով սահմանված դեպքերին,
- 2.2. այն հետազոտությունները, բժշկական միջամտությունները, բժշկական օգնության ու սպասարկման ցանկացած այլ ծառայությունները (ներառյալ դեղեր, բժշկական պարագաներ), որոնք չեն նշանակվել բժշկի կողմից և/կամ մատուցվել են Ապահովագրված անձի ցանկությամբ,
- 2.3. ծառայություններ, հետազոտություններ, դեղեր և/կամ այլ բուժօգնության ծառայություններ, որոնք փաստացի չեն տրամադրվել Ապահովագրված անձին, Ապահովագրված անձի կողմից նախընտրած առանձին վճարովի հիվանդասենյակի ծախսերը,
- 2.4. նախազորակոչային կամ զորակոչային տարիքի անձանց հիվանդանոցային փորձաքննություն,
- 2.5. ֆիզիոթերապևտիկ միջոցառումներ և/կամ բուժում, առողջարանային կամ վերակազնոդական բուժում, ցանկացած պրոֆիլակտիկ և/կամ կազդուրիչ միջոցառումներ և այլն,
- 2.6. ոչ ավանդական այլընտրանքային բուժում և ախտորոշման մեթոդներ, ՀՀ-ում սահմանված կարգով չարտոնագրված դեղերի և/կամ բժշկական պարագաների ձեռքբերում,
- 2.7. ալերգոդիագնոստիկա, սկարիֆիկացիոն փորձեր,
- 2.8. վերջույթների և/կամ դրանց առանձին սեզմենտների պրոթեզավորումը, ինչպես նաև պրոթեզները, բժշկական սարքավորումները, իմպլանտները, տեսողական, լսողական

- սարքերը, այլ կարգավորիչ բժշկական հարմարանքները: Սույն ենթակետում նշված բացառությունը չի վերաբերում 1.3.3. ենթակետով նախատեսված դեպքերին,
- 2.9. առողջության վատթարացումները (բացառությամբ վնասվածքների), որոնք առաջացել են Ապահովագրված անձի կողմից ակոհոլի, թմրանյութերի, թմրամիջոցների, թունավոր նյութերի կամ առանց բժշկի նշանակման դեղերի օգտագործման դեպքում կամ հետևանքով,
- 2.10. ժանտախտ, տուլարեմիա, սիբիրյան խոց, խոլերա, տիֆ, պոլիոմիելիտ, դրանց բարդություններ կամ հետևանքներ,
- 2.11. հոգեկան սահմանային վիճակներ (նևրոզ, փսիխոպաթիա, փսիխոզ և այլն), հոգեկան հիվանդություններ, դրանց հետևանքներ, հոգեթերապևտի ծառայություններ, հիպնոս,
- 2.12. մանկաբարձական բուժօգնություն (ծննդօգնություն, հղիության ախտաբանություն, հղիների նախածննդյան և/կամ հետծննդյան հսկողություն),
- 2.13. պարբերական հիվանդություն, տուբերկուլյոզ, թմրաբանական հիվանդություններ կամ ակոհոլիզմ, թմրամոլություն, տոքսիկոմանիա,
- 2.14. առավելապես սեռական ճանապարհով փոխանցվող հիվանդություններ, ՄԻԱՎ/ՁԻԱՀ-ի բժշկական օգնության և/կամ սպասարկման ծառայությունները,
- 2.15. ուռուցքաբանական հիվանդությունների քիմիաթերապևտիկ, վերականգնողական (այդ թվում նաև՝ առողջարանային) բժշկական օգնության և/կամ սպասարկման ծառայությունները,
- 2.16. արյան արտաերիկամային մաքրում պահանջող հիվանդություններ՝ ներառյալ քրոնիկ երիկամային անբավարարություն (պլազմոֆերեզ, հեմոսորբցիա և այլն), բացառությամբ սուր երիկամային անբավարարության դեպքերի, որոնց ժամանակ տրամադրվում են արյան արտաերիկամային մաքրման՝ ոչ ավել քան 4 սեսիս,
- 2.17. ռեպրոդուկտիվ (վերարտադրողական) ֆունկցիայի և/կամ էրեկտիլ դիսֆունկցիայի (իմպոտենցիա) հետ կապված հետազոտությունները և/կամ բուժումը, դիսմենորեան, հակաբեղմնավորիչ միջամտությունները, այդ թվում նաև՝ ներարգանդային պարույրի (ՆԱՊ) տեղադրումը և/կամ հեռացումը, այլ հակաբեղմնավորիչ միջոցները,
- 2.18. Ստորև նշված, ինչպես նաև ցանկացած այլ ոչ վիրահատական բուժում պահանջող քրոնիկ հիվանդությունների համար ծառայությունները տրամադրվում են բացառապես կյանքին վտանգ սպառնացող անհետաձգելի հիվանդանոցային բուժում պահանջող սրացումների և/կամ բարդությունների ժամանակ, ընդ որում հատուցման ենթակա չեն դրանց ենթասուր շրջանի բուժումը, ինչպես նաև մշտական, պահպանողական բուժումը և/կամ դինամիկ հսկողությունը.
- 2.18.1. բնածին անոմալիաներ, զարգացման արատներ և/կամ այլ անատոմիական առանձնահատկություններ, ժառանգական, գենետիկ հիվանդություններ, էպիլեպսիա,
- 2.18.2. մանկական ուղեղային կաթված, շաքարային դիաբետ, թոքերի քրոնիկ ոչ յուրահատուկ հիվանդություններ՝ թոքերի էմֆիզեմա, պնևմոսկլերոզ և այլն,

- 2.18.3. ողնաշարի միջոդային սկավառակների ախտահարումներ, ողնաշարի դեգեներատիվ դիստրոֆիկ փոփոխություններ (պրոթրուզիաներ, ճողվածքներ և այլն), օստեոխոնդրոզ, կեցվածքի խախտման շեղումներ, սկոլիոզ, կիֆոզ,
- 2.18.4. աուտոիմուն հիվանդություններ, շարակցական հյուսվածքի համակարգային հիվանդություններ, պսորիազ, էկզեմա,
- 2.18.5. լյարդային անբավարարություն, քրոնիկական վիրուսակրություն (այդ թվում նաև՝ վիրուսային հեպատիտները), քրոնիկական բացիլակրություն, քրոնիկական պարազիտակրություն:

Ապահովագրության պայմանագրով տրամադրվող բժշկական ծառայություններից (բացառությամբ տարեկան կանխարգելիչ բժշկական քննության) հնարավոր է օգտվել միայն ՀՀ առողջապահության նախարարի 23.02.2022թ. N 795-Ա հրամանով հաստատված ցանկում ընդգրկված բժշկական կազմակերպություն դիմելու պարագայում:

Տարեկան կանխարգելիչ բժշկական քննություն կարելի է անցնել միայն այն բժշկական կազմակերպությունում, որում սոցիալական փաթեթի տվյալ շահառուն ունի առողջության առաջնային պահպանման ծառայություններ մատուցող բժշկի մոտ ՀՀ կառավարության [30.03.2006 N 420-Ն որոշմամբ](#) սահմանված կարգով գրանցում՝ բացառությամբ գյուղական բնակավայրերում գործող բժշկական կազմակերպություններում³ առողջության առաջնային պահպանման ծառայություններ մատուցող բժշկի մոտ գրանցում ունեցող սոցիալական փաթեթի շահառուների, որոնք իրենց կանխարգելիչ բժշկական քննությունը կարող են անցնել տվյալ տարածաշրջանի ամբուլատոր-պոլիկլինիկական բժշկական օգնություն իրականացնող պոլիկլինիկայում կամ բժշկական կենտրոնում:

³ Գյուղական բժշկական ամբուլատորիաներ, գյուղական առողջության առաջնային պահպանման կենտրոններ, գյուղական առողջության կենտրոններ: